

BOSNA I HERCEGOVINA  
FEDERACIJA BOSNE I HERCEGOVINE  
OPĆINA LUKAVAC  
OPĆINSKI NAČELNIK  
SLUŽBA ZA ZAJEDNIČKE POSLOVE  
Broj: 10-05-1638/19  
Lukavac, 01.04.2019. godine

Na osnovu člana 64. stav (1). tačka b), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) i Preporuke Komisije za provođenje postupka javne nabavke broj: 10-05-1638/19 od 29.03.2019. godine u otvorenom postupku javne nabavke materijala i pribora za tekuće održavanje objekta Pomoćnik općinskog načelnika za Službu za zajedničke poslove d o n o s i

### **ODLUKU** **o izboru najpovoljnijeg ponuđača**

#### **Član 1.**

Prihvata se preporuka Komisije za provođenje postupka javne nabavke broj: 10-05-1638/19 od 29.03.2019. godine i Ugovor za javnu nabavku materijala i pribora za tekuće održavanje objekta dodjeljuje ponuđaču „BUMA COMPANY“ d.o.o Lukavac, koji je dostavio ponudu broj: 03/19 od 28.02.2019. godine, za ponuđenu cijenu u vrijednosti od 4.727,10 KM bez PDV-a, kao najpovoljnijem ponuđaču.

#### **Član 2.**

Izabrani ponuđač je dužan da u roku od 7 (sedam) dana od dana dostavljanja ove Odluke dostavi originale ili ovjerene kopije dokumentacije iz člana 45. stav (2) tačka a) do d) Zakona o javnim nabavkama BiH, navedene u tački 12.2. Tenderske dokumentacije broj: 10-05-1638/19.

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan i nepotpun način, ugovor za javnu nabavku dodijeliće se ponuđaču čija je ponuda po rang listi odmah nakon ponude izabranog ponuđača u skladu sa članom 72. stav (3) Zakona o javnim nabavkama.

#### **Član 3.**

Prijedlog okvirnog sporazuma o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obavješteni o izboru najpovoljnije ponude.

#### **Član 4.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### **Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 10-02-1-1637/19 od 15.02.2019. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 6.400,00 KM.

Obavještenje o nabavci broj: 719-1-1-3-3-24/19 objavljeno je na Portalu javnih nabavki dana 18.02.2019. godine.



Komisija za provođenje postupka nabavke imenovana Rješenjem broj: 02-05-1713/19 od 19.02.2019. godine dostavila je Pomoćniku općinskog načelnika za Službu za zajedničke poslove Zapisnik o pregledu i ocjeni ponuda broj: 10-05-1638/19 od 25.03.2019. godine, Zapisnik o pregledu i ocjeni ponuda broj: 10-05-1638/19 od 29.03.2019. godine, Preporuku o izboru najpovoljnijeg ponuđača broj: 10-05-1638/19 od 29.03.2019. godine i Izvještaj o radu broj: 10-05-1638/19 od 29.03.2019. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene tri ponude;
- da su blagovremeno primljene tri ponude;
- da nije bilo neblagovremeno primljenih ponuda;
- da je ponuđač „SIDDIK“ d.o.o Poljice u obrascu za ponudu u izjavi ponuđača pod tačkom 5. naveo da ponuda važi 60 (šezdeset) dana, zbog čega je Komisija ponudu istog u skladu sa članom 60. stav (1) ZJN i tačkom 23. Tenderske dokumentacije odbila, jer je period važenja ponude kraći od roka navedenog u tenderskoj dokumentaciji i
- da su ponude ponuđača „BUMA COMPANY“ d.o.o Lukavac i „DŽENEX“ d.o.o Tuzla kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 6.400,00 KM bez PDV-a i da je kriterij za dodijelu ugovora najniža cijena.

Ponuđač „BUMA COMPANY“ d.o.o Lukavac dostavio je prihvatljivu ponudu sa cijenom u iznosu od 4.727,10 KM bez PDV-a. U predmetnom postupku zakazana je e-aukcija, ali tokom trajanja e-aukcije nije bilo podnošenja ponuda te je navedena ponuda u odnosu na kriterij za dodijelu ugovora rangirana na prvo mjesto.

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

#### **Dostaviti:**

1. SIDDIK d.o.o Poljice
2. BUMA-COMPANY d.o.o Lukavac
3. DŽENEX d.o.o Tuzla
4. Arhivi.-

PO OVLAŠTENJU OPĆINSKOG NAČELNIKA  
POMOĆNIK OPĆINSKOG NAČELNIKA  
(ovlaštenje broj: 02-05-1055/19 od 29.01.2019.)  
Jasminka Dugorjić, dipl. pravnik

